

COMUNE DE BÌRORO***PROVÌNTZIA DE NÙGORO

CF.00157770918 TEL.078572002 FAX. 078572990 CCP 11969086

E-MAIL aaqq,birori@virgilio.it PEC aaqq@pec.comune.birori.nu.it

Carrera IV Novembre,4
Ufitziu Afares Generales

AVISU PÙBLICU

OGETU: Mesuras pro s'amparu de sa salute e de sa seguresa pùblica, pro prevènnere s'arriscu de fogos e sa difusione de sas orìghinas.

SU RESPONSÀBILE DE SU SERVÌTZIU

CUNSIDERADU chi in istiu, onni annu, b'est su problema de sos fogos, chi in sas istajones coladas at cajonadu dannos mannos a su patrimoniu natzionale de sos buscos e a sas campagnas e carchi borta puru mortes.

ATZERTADU chi su fenòmenu de sos fogos est imputàbile a sa discuidura de sos proprietàrios de sos terrinos chi bi sunt a cutzu a sas istradas, chi non innetant sas cresuras e non nde segant s'erva in sos muros de sas làcanas.

RECONNOTA sa netzessidade urgente de ammaniare in tempus totu sas cosas pro prevènnere, pro su chi si podet, su cumentzu e s'isparghinadura de sos fogos;

BIDA sa deliberatzione de sa Giunta Regionale n.23/11 de su 09/05/2017 (Aprovatzione Prescritziones Regionales Contra a sos Fogos 2017/2019 – annu 2018);

BIDAS sas Prescritziones Regionales contra a sas atziones determinantes, puru si solu a manera dàbile, de prima tenta de su fogu in sas àreas e sos periodos a arriscu de fogos de buscos de sos cales a sas literas C) E D) de s'artìculu 3 comma 3 de sa Lege 21/11/2000 n.353;

AMMENTA ·DI CHI

- *Intro de sa die 01 de su mese de làmpadas de su 2018 (artìculu 13 de sa prescrizione regionale contra a sos fogos)* totu sos proprietàrios de sos terrinos egados chi sunt in giassos urbanos e in s'oru de sas biddas sunt obrigados a nde segare s'erva chi b'est e posca a nche fulliare o brujare su chi nde segant, cunforma a sa normativa in vigèntzia. Sos proprietàrios e sos allogaderis de aziende agrìcolas lacanàrgias cun istradas pùblicas comunales e "vicinali" devent innetare s'àrea lacanàrgia a s'istrada e a sas cresuras, semper e cando costituidas, dae ruu e ervas;
- *Semper Intro de sa die 01 de su mese de làmpadas de su 2018 (artìculu 13 de sa prescrizione regionale contra a sos fogos)* totu sos tzitadinos ant a dèvere pruvìdere a innetare sos giardinos, sos ortos e sas cortes de proprietàde issoro, chi bi sunt intro de su tzentru abitadu, e puru de sas àreas chi bi sunt a cara de sas carreras pùblicas e lacanàrgias cun sas domos issoro;
- Non si podet pascolare a inghìriu de su tzentru abitadu, e non si podet fàghere intrare bestiàmene, puru si solu pro trànsitu urbanu, sena àere in antis s'autorizatzione de su Sìndigu, chi si podet otènnere fatu chi siat su nullaosta de s'Ufitziu Veterinàriu cumpetente de sa ASL n.3 distretu de Macumere. Sas dèrogas a sa proibitzione de transitu, prevìdidas dae s'ordinàntzia n. 2 de su 23/10/2001, protocollu 2443, sunt sessadas pro totu s'istiu, finas a su 30 de cabudanni de su 2017.
- Est òbrigu a sos proprietàrios privados de pruvìdere a nche fulliare sas abbas apojadas e a nche bogare onni calidade de refudos, fenu e erva, chi podent èssere unu logu bonu meda pro s'isvilupu de orìghina, sòrighes e àteros animales.

In casu chi carchi fogu de buscos s'acurtziet si podet impreare su nùmeru 115 pro sos vigiles de su Fogu, su 112 pro sa polìtzia de Istadu.

Bìroro 18 de làmpadas de su 2018

SU RESPONSÀBILE DE SU SERVÌTZIU

Rag. Cosimo Falchi